

西

周

史

徵

二

西周史徵卷十五

志第一

律歷

虞書曰乃同律度量衡所以齊遠近立民信也創天權歷
生律制器規圓矩方權重衡平準繩嘉量探賾索隱鉤深
致遠莫不用焉度長短者不失豪釐量多少者不失圭撮
權輕重者不失黍絫紀於一協於十長於百大於千衍於
萬其法在算術宣于天下小學是則職在太史羲和掌之

以上漢書
律歷志文

周禮大師掌六律六同以合陰陽之聲

周春官鄭註六律合陽
聲者也六同合陰聲者也

陽聲

黃鐘大簇姑洗蕤賓夷則無射陰聲大呂應鍾南呂函鍾

小呂夾鍾皆文之以五聲宮商角徵羽皆播之以八音金

石土革絲木匏竹

以上周禮春官大師職文

陽爲律陰爲呂律呂十二月十

二支十母相配合十月也律中應鐘其於十二子爲亥十

一月也律中黃鍾其於十二子爲子其於十母爲壬癸十

二月也

今本史記無也字梁玉繩史記志疑卷十五附案缺也字今照補

律中大呂其於十二子爲丑正

月也律中泰簇於其十二子爲寅二月也律中夾鐘其於

十二子爲卯其於十母爲甲乙三月也律中姑洗其於十

二子爲辰四月也律中中呂

即小呂

其於十二子爲巳五月也

律中蕤賓其於十二子爲午其於十母爲丙丁六月也律

中林鍾

即函鍾

其於十二子爲未七月也律中夷則其於十二

子爲申八月也律中南呂其於十二子爲酉其於十母爲

庚辛九月也律中無射其於十二子爲戌

以上節史記律書文祿記月令孟春之月律中大簇仲春之月

律中夾鍾季春之月律中姑洗孟夏之月律中中呂仲夏之月律中蕤賓季夏之月律中林鍾孟秋之月律中夷則仲秋之月律中南呂季秋之月律中無射孟冬之月律中應鍾仲冬之月律中黃鍾季冬之月律中大呂周禮春官

鄭註黃鍾子之氣也十一月建焉大呂丑之氣也十二月建焉大簇寅之氣也正月建寅應鍾亥之氣也十月建焉姑洗辰之氣也三月建焉南呂酉之氣也八月建焉蕤賓午之氣也五月建焉林鍾未之氣也六月建焉夷則申之

氣也七月建焉中呂巳之氣也四月建焉無射戌之氣也九月建焉夾鍾卯之氣也二月建焉杜佑通典樂三先王通于倫理以候氣之管爲樂聲之均吹建子之律以子爲黃鍾丑爲大呂寅爲太簇卯爲夾鍾辰爲姑洗巳爲中呂

午爲蕤賓未爲林鍾申爲夷則酉爲南呂戌爲無射亥爲應鍾陽管有六爲律者謂黃鍾太簇姑洗蕤賓夷則無射此六者爲陽月之管謂之律律者法也言陽氣始生各有其法又律者帥也所以帥導陽氣使之通達陰管爲六爲

呂者謂大呂應鍾南呂林鍾中呂夾鍾此六者陰月之管謂之爲呂以上所言六律六呂十二支皆與史記同惟漢書律歷志則不同各是異家之說也

黃鍾長八寸十分

一宮

此依殿本史記他本十分或作七分梁玉繩史記志疑卷十五云按夢溪筆談謂餘分下分數目凡七字皆當作十字誤屈其中畫耳黃鍾八寸十分一太簇七寸十分二姑洗六寸十分四林鍾五寸十分四南

呂四寸十分八宋蔡元定律呂新書因之皆改七分爲十分然索隱已先言七分爲誤矣又新書改大呂爲七寸五分三分二夾鍾爲六寸七分三分一蕤賓爲五寸六分三分二夷則爲五寸三分二又云黃鍾下有宮太簇下有商

姑洗下有羽林鍾下有角南呂下有徵管志論律書五音相生而以宮生角角生商商生徵徵生羽羽生宮求其理用罔見通途者是也仲呂下有徵夷則下有商應鍾下有羽三者未詳疑後人誤增蔡氏之說如此而史記曰太簇

角當作商姑洗羽當作角林鍾角當作徵南呂徵當作羽俱後人傳寫之誤要之史公所記分寸之數配合之數與管子呂覽淮南及漢晉以來諸志皆不同而後人譏之者甚衆展轉糾繆莫適是非

大呂長

七寸五分三分一太簇長七寸七分二角夾鍾長六寸一

分三分一姑洗長六寸七分四羽仲呂長五寸九分三分

二徵蕤賓長五寸六分三分一林鍾長五寸七分四角夷

則長五寸四分三分二商南呂四寸七分八徵無射長四

寸四分三分二應鍾長四寸二分三分二羽生鐘分子一

分丑三分二寅九分八卯二十七分十六辰八十一分六

十四巳二百四十三分一百二十八午七百二十九分五

百一十二未二千一百八十七分一千二十四申六千五

百六十一分四千九十六酉一萬九千六百八十三分八

千一百九十二成五萬九千四十九分三萬二千七百六十八亥十七萬七千一百四十七分六萬五千五百三十三六生黃鍾術曰以下生者倍其實三其法以上生者四其實三其法上九商八羽七角六宮五徵九置一而九三之以爲法實如法得長一寸凡得九寸命曰黃鍾之宮故曰

音始於宮窮於角

以上史記律書文周禮春官大師職鄭註謂十二律相生法云其相生則以陰陽六體爲之黃鍾初九也下生林鍾之初六林鍾又上生大簇之九二大簇又

下生南呂之六二南呂又上生姑洗之九三姑洗又下生應鍾之六三應鍾又上生蕤賓之九四蕤賓又下生大呂之六四大呂又上生夷則之九五夷則又下生夾鍾之六五夾鍾又上生無射之上九無射又上生中呂之上六隋

書律曆志引梁武帝鍾律緯云若如玄義陰陽相逐生者止是升陽其降陽復將何寄就竅數而論乾主甲子而左行坤主乙癸而右行故陰陽得有升降之義陰陽從行者眞性也六位升降者象數也今鄭通執象數以配眞性故

言比而理窮云九六相生了不釋十二氣所以相通鄭之不思亦已明矣案此乃班固之失漢書律曆志云九六相生陰陽之應也鄭蓋本此不如直指班固之失也夫聲者中於宮

觸於角社於徵章於商字於羽故四聲爲宮紀也協之五

行則角爲木五常爲仁五事爲貌商爲金爲義爲言徵爲火爲禮爲視羽爲水爲智爲聽宮爲土爲信爲恩以君臣民事物言之則宮爲君商爲臣角爲民徵爲事羽爲物

以上漢書

律歷志文禮記樂記宮爲君商爲臣角爲人徵爲事羽爲物管子地員篇凡聽徵如負豕豕覺而駭凡聽羽如鳴馬在野。儀禮通解鍾律篇訛野爲樹謬云馬當爲鳥。凡聽宮如牛鳴郭中凡聽商如離羣羊凡聽角如雉登木以

鳴旁疾以聲

宮從黃鍾而起其增減之數以三爲度以上生者皆

三分益一下生者皆三分去一

以上通典樂三文

九九八十一以爲宮

三分去一五十四以爲徵三分益一七十二以爲商三分

去一四十八以爲羽三分益一六十四以爲角

以上史記律書文

此五

聲相生法也八音者八掛之音掛各有風謂之八風也一

曰乾之音石其風不周二曰坎之首革其風廣莫三曰艮

之音匏其風融四曰震之音竹其風明庶五曰巽之音木

其風清明六曰離之音絲其風景七曰坤之音土其風涼

八曰兌之音金其風閭闔

以上通典
樂三文

土曰埴匏曰笙皮曰鼓竹

曰管絲曰絃石曰磬金曰鐘木曰祝

以上漢書
律歷志文

度者分寸尺丈

引也所以度長短也本起黃鐘之長以子穀秬黍中者一

黍之廣度之九十分黃鐘之長一爲一分十分爲寸十寸

爲尺十尺爲丈十丈爲引而五度審矣

以上漢書
律歷志文

量者龠合升斗斛也所以量多少也本起於黃鐘之龠用
度數審其容以子穀秬黍中者千有二百實其龠以井水
準其概合龠爲合十合爲升十升爲斗十斗爲斛而五量

嘉矣

以上漢書律歷志文

周禮曰

即古栗字

氏爲量改煎金錫則不耗不耗然

後權之權之然後準之準之然後量之量之以爲誦深尺

內方尺而圓其外其實一誦其腎一寸其實一豆其耳三

寸其實一升重一鈞其聲中黃鍾之宮概而不稅

考工記文西漢古鑑有漢嘉量

圖王莽模周制作可爲參考

此云周量以誦爲準器左氏傳曰晏子曰齊舊四

量豆區釜鍾四升爲豆各自其四以登于釜釜十則鍾

昭三年

既云舊則當爲西周時制釜以下用四進法以上用十進

法案釜疑卽誦周量法不可考故錄諸說以存參云

衡權者衡平也權重也衡所以任權而均物平輕重也其

道如底以見準之正繩之直左旋見規右折見矩

中權者略

銖兩斤鈞石也所以稱物平施知輕重也本起於黃鍾之

重一龠容千二百黍重十二銖兩之爲兩二十四銖爲兩

十六兩爲斤三十斤爲鈞四鈞爲石

以上漢書律歷志文

權與物鈞而生

衡衡運生規規圓生矩矩方生繩繩直生準準正則平衡

而鈞權矣是謂五則也

以上通典樂四文案上引漢書律歷志文通典皆謂漢制而漢書律歷志王莽秉政欲燿名譽徵天下通知鐘律者百餘人使義和劉歆

等典領條奏言之最詳故別其僞辭取正義著于篇莽歆之徒好仿周制則班固取材於歆或可爲周制之參考故姑錄之

黃帝考定星歷建立五行

起消息正閏餘於是有天地神祇物類之官是謂五官各

司其序不相亂也民是以能有信神是以能有明德民神

異業敬而不瀆故神降之嘉生民以物享災禍不生所求

不匱少皞氏之衰也九黎亂德民神雜擾不可放物禍菑

荐至莫盡其氣顓頊受之乃命南正重司天以屬神命火
正黎司地以屬民使復舊常無相侵瀆其後三苗服九黎
之德故二官咸廢所職而閏餘乖次孟陬殄滅攝提無紀
歷數失序堯復遂重黎之後不忘舊者使復典之而立義
和之官明時正度則陰陽調風雨節茂氣至民無天疫年
耆禪舜申戒文祖云天之歷數在爾躬舜亦以命禹由是
觀之王者所重也夏正以正月殷正以十二月周正以十
一月蓋三王之正若循環窮則反本天下有道則不失紀
序無道則正朔不行於諸侯幽厲之後周室微陪臣執政
史不記時君不告朔故疇人子弟分散或在諸夏或在夷

狄是以其襍祥廢而不統


以上史記歷書文

史公之際除周正以十一

月建子外已無考矣

案烏程汪曰楨嘗有歷代長術輯要自周共和元年推算據劉歆三統術超辰率謂是年太歲在甲寅太陰在壬辰歲星在豕韋而於共和以前則

不能推算



西周史徵卷十六

志第二

禮儀

禮由人起人生有欲欲而不得則不能無忿忿而無度量則爭爭則亂先王惡其亂故制禮義以分之養人之欲給人之求使欲不窮於物物不屈於欲二者相待而長是禮之所起也故禮者養也稻粱五味所以養口也椒蘭芬茝所以養鼻也鍾鼓管絃所以養耳也刻鏤文章所以養目也疏房牀第所以養體也故禮者養也君子既得其養又好其辨也所謂辨者貴賤有等長少有差貧富輕重皆有稱也

以上史記禮書文

禮至周而大備今分述之

一曰朝周制天子有四朝

馬端臨通考朝儀篇註恒言三朝者以詢事之朝者非常朝故不言之

一外朝

通考朝儀註云在皋

門內決罪聽訟之朝也

周禮秋官朝士掌之左九棘孤卿大夫位焉羣士

在其後右九棘公侯伯子男位焉羣吏在其後面三槐三

公位焉州長衆庶在其後左嘉石平罷民焉左肺石達窮

民焉二中朝

通考註云在路門外

周禮夏官司士掌之正朝儀之位辨其

貴賤之等王南鄉三公北面東上孤東面北上卿大夫西

面北上王族故士虎士在路門之右南面東上大僕大右

大僕從者在路門之左南面西上司士擯孤卿特揖大夫

以其等旅揖士旁三揖王遷揖門左揖門右大僕前王入

內朝皆退三內朝亦謂路寢之朝卽燕朝周禮夏官大僕

掌之王眡燕朝則正位掌擯相

鄭註云燕朝朝於路寢之庭王圖宗人之嘉事則燕朝

王不眡朝

則辭於三公及孤卿

通考引陳氏禮書曰王燕朝之位雖太僕掌之然其位之所辨不可考文王世子曰公侯朝於內朝東面北上臣有貴者以齒則王之燕朝宜亦然

也

四詢事之朝

通考註云在雉門外

周禮秋官小司寇掌之以致萬民而

詢焉一曰詢國危二曰詢國遷三曰詢立君其位王南鄉

三公及州長百姓北面羣臣西面羣吏東面小司寇擯以

叙進而問焉以衆輔志而弊謀諸侯有二朝曰內朝曰外

朝

禮記文王世子公族朝於內朝庶子掌之其在外朝司士掌之玉藻朝服以日視朝於內朝退適路寢聽政然則文王世子與玉藻所謂朝者諸侯之朝也則文王世子所謂內朝者玉藻所謂路寢也玉藻所謂內朝者文

王世子所謂外朝也

卿大夫亦有二朝曰內朝曰外朝

國語魯語云天子及諸侯合民事於外朝合神事於內朝自卿以下合官

職於外朝合家事於內朝然則卿大夫亦二朝也

二曰覲周禮秋官大行人掌大賓之禮及大客之儀以親

諸侯春朝諸侯而圖天下之事秋覲以比邦國之功夏宗以陳天下之謨冬遇以協諸侯之慮天子當展而立諸侯北面而見天子曰覲天子當二而立諸公東面諸侯西面曰朝邦畿方千里其外五百里曰侯服歲一見又其外五百里曰甸服二歲一見又其外五百里曰男服三歲一見又其外五百里曰采服四歲一見又其外五百里曰衛服五歲一見又其外五百里曰要服六歲一見九州之外謂之蕃國代一見各以其所貴寶爲贄以上節周禮秋官大行人文至其入境及國觀王之禮甚詳均見大行人小行人大宗伯及儀禮觀禮茲不贅錄此皆定制以外又有會同故曰朝覲宗遇會同君之禮也見周禮秋官小行人時會以發四方之禁殷同以施天下之政見大行人